



## Mokokchung nung saru menoker sensaksem sentong agi



*Office of the Principal Chief Commissioner of Income Tax, NER, Guwahati ajanga July 29, 2024 nü Deputy Commissioner, Mokokchung indang Conference Hall nung Interactive Outreach Programme, 2024 ayongzükba nung Principal Chief Commissioner of Income Tax (NER), Chaitali Panmei IRS, Deputy Commissioner, Mokokchung, Thsuvisie Phoji aser kettangsürtem noksa nung angur.*

**Dimapur, Chiteni/July 29** Panmei-i, Income Tax Act, 1961 (TYO): Saru menokertem indang Section 10(26) ajanga shisadokden senden ka Office of the Principal Chief Commissioner of Income Tax, North East Region (NER), Guwahati ajanga July 29, 2024 nü Deputy Commissioner, Mokokchung indang Conference Hall nung ayongzükba liasü, kong district nung aliba NGOs, shishilempar aser entrepreneurs nungi teshimtet nisungtem dena liasü.

Iba sentong nung jembidang Principal Chief Commissioner of Income Tax NER, Chaitali

agizükba o jembidang department-i timtem arema district nung iba amala sentong ayongzükba atema Deputy Commissioner, Mokokchung, Thsuvisie Phoji-i pelaba lemsatepa liasü.

Income Tax indang jembira, region nung aser talisa district nung aliba nübertemi junga memetet, ta pai ashi.

Iba sentong ya tenük lapoker asütsü aser tanü iba sentong nung angazükba ajanga tarutsü nung district nung aliba nübertem ajangzüktsü, ta paisa ashi.

Income Tax nungi Principal Chief Commissioner, NER-i anir kettangsürtem pela

NCS ajanga pela agizükba o jemi aser Vithalietuo Kire, UBI Officer-in-Charge, Kiphire Police Station ajanga o tatsüka jemi aser CHI DCPU ajanga report agütsüba sülen House Discussion agia liasü.

Iba workshop nung Tsosing, Councillor OSC menden liasü aser N.S.Khaikho, District Child Protection Officer (DCPO), Kiphire ajanga melepzüng o jemi.

ADC Kiphire, D.Robin,

## Kiphire nung tanur shibelenba nungi jenbutsü workshop ayongzük

**Dimapur, Chiteni/July 29** (TYO): District Administration ajanga NCPCCR, SCPCR, District Child Protection Unit, Mission Shakti den lungjemer Deputy Commissioner, Kiphire indang Conference Hall nung July 26, 2024 nü "Preventing & Combating Child Trafficking" indang workshop ayongzükka liasü.

Iba workshop nung shisalen sayur ya Tongpang L Jamir,

Advocate, Guwahati High Court Kohima Bench liasü.


Iba sentong ya National Commission of Protection of Child Rights aser Kiphire indang District Administration ajanga BetiBachaoBetiPadhao, Mission Shakti DHEW, SAMPOORNATA Abhiyan, Child Helpline Kiphire aser Sakhi One Stop Centre den lungjemer ayongzükka liasü.

ADC Kiphire, D.Robin,

NCS ajanga pela agizükba o jemi aser Vithalietuo Kire, UBI Officer-in-Charge, Kiphire Police Station ajanga o tatsüka jemi aser CHI DCPU ajanga report agütsüba sülen House Discussion agia liasü.

Iba workshop nung Tsosing, Councillor OSC menden liasü aser N.S.Khaikho, District Child Protection Officer (DCPO), Kiphire ajanga melepzüng o jemi.

## NCSU aser Engineer-in-Chief NPWD senden amen



**Dimapur, Chiteni/July 29** (TYO): Nagaland Contractors' and Suppliers Union (NCSU) Head Office Kohima nungi kettangsürtemi Engineer-in-Chief (E-in-C) NPWD tasenba Imna Maren Ao den shisadokden senden ka pa indang office chamber nung July 29, 2024 nü mena liasü.

Union tenüng nung NCSU tir Pele Khezhie-i Engineer-in-Chief, Nagaland PWD, Imna Meren Ao nem tenüng sang agütsü aser pa lenisüba kubok Department, contractor aser nübertem tajangzük angutsü imlabia shia liasü.

NCSU kettangsür temi

Engineer-in-Chief aser department kettangsürtem dang Nagaland nung sorkar indang department ajak nung yearly works programme mapa kuma inyaktsü atema July 7, 2024 nü NCSU general meeting pangzung renemba indang angatetdakja liasü.

Sorkari tang totuyuba agüja aliba ama ochisia inyaktsü atema Union-i government establishment ajak nung open tender agütsütsü takhangba agütsü.

Union-isa Engineer-in-Chief dang Union-i tejangja kuli agütsüba Class-1 government registration

agizüktsü ajungshia liasü, kechiaser Naga nunger lanur aika Engineering aser danga technical background nungi mapa mangu registration tasen bushir jenti lir.

Nübertem aser contractor ochi temeden atema NPWD den teka amteper inyaktsü ta parnoki ashi.

Engineer-in-Chief Imna Meren Ao-ia Nagaland renloktsü atema department aser contractor kulemi teka amteper inyaktsüla ta ashi.

Paisa contractor dang mapa shidak inyaktsü ayongzük aser iba ama senden ayongzükba atema pelaba lemsatepa liasü.

NSCN-K (Khango) ajanga amokmerenba aitsür: RSZ

**Dimapur, Chiteni/July 29**

(TYO): NSCN-K (Khango) teloki angami kin nungi senso tejangja ka nem tasüba temerenshi agütsütsü amokmerenba atema shisabolur aser aitsür, ta Rengma Selo Zi (RSZ) sangdong ka ajanga ashi.

Iba ama amokmerenba mapo asen lima nung matalokdaktsütsüla aser iba yagi Naga nungeri mapang talangka nungi takok angutsü yongyaba telungjem aser tesunep inyakyim nung tetsükdaktsü agütsür, ta ashi.

Iba ama tensa nung Angami Youth Organization-i tasü ita nokdakba atema akhum agütsür. AYO-i iba ama amokmeren anema nokdaktsü mulungtetba ya parnoki nübertem asoshi mapa tajung inyakba kuli dang masü saka nuchi mulungsentsü alirtem nung asenok alitsü, ta RSZ sangdong ajangasa ashi.

Nagaland nung Shiksha Saptah pongunu buba mungogo

**Dimapur, Chiteni/July 29**

(TYO): National Education Policy (NEP) 2020 benoker küm pezü ajungba bilemteta Nagaland tesem ajungalen aliba school tem nung Shiksha Saptah (Education Week) pongunu buba nung Skilling & Digital Initiatives Day munga liasü.

Iba anogo skill nung ajemdaker angazükba aser digital initiatives dak sendakba nung maparen balala Government aser Private school tem nung inyaka liasü.

'Skilling options' balala aliba kaketshirtem nem angatetdakja 'traditional academics' alema oa career nung lenpalenre bushitsü aser digital oset balala amshia tajungba nung angazüktsü atema awareness agütsütsü nükjidong nung iba sentong ya ayongzükka liasü.

Iba sentong ya department-i Kohima district nung Thinuovicha Memorial Government Higher Secondary School nung ayongzükka liasü.

**Dimapur Press Club ajanga asüku lemsateper**

**Dimapur, Chiteni/July 29** (TYO): Dimapur Press Club indang Information and Publicity Secretary, Kanili Kiho tebu Suhoje Kiho asüba atema mang ayimer, ta Dimapur Press Club sangdong ka ajanga ashi.

Pa ya mapang tatsüka shiranga arur Dimapur nung mozuki ka nung Hombar nikongdang asü.

Tang mangyimba mapang

Govt. Polytechnic Peren nung design course admission tenzüker

**Dimapur, Chiteni/July 28**

(TYO): Interior design nung küm ka certification atema Government Polytechnic Peren nung July 29, 2024 nü admission tenzüksü aser August 12, 2024 tashi alitsü, ta sangdong ka ajanga ashi.

Iba programme nungya Residential design, Commercial design, software design, project management aser client interaction amala course tem agütsütsü.

Government Polytechnic Peren ya Directorate of Technical Education kubok aser

ka lir.

Naga nunger rongnung telungjem aser teti asoshi yimjung alitsü atema One Government - One Taxation ya tongtipang mera ka lir ta angateta yangji onok nokdaka lir ta nenshia sangdonder.

Kati ka dang temeim sayua yariteptsü ya kanga tongtipang ta nübertemi angateta alidang asen kin tesendaktep amokmerentsüsa iba ama inyakyim ya khenyongi malitsüla, ta ashi.

Factions aser telok ajunga dang tajunglen nungi jembishinüa aser amalitepa, angatettepba aser akumtsübetepe yimya amshitsü ajungshir. Asenok ajak külemi inyakba ajanga dang aser Naga nunger nokdangba tayongzükba tem koktetsü aser yimjung, telungjem aser terenlok nung asenok alitsü, ta RSZ sangdong ajangasa ashi.

Iba ama tensa nung Angami Youth Organization-i tasü ita nokdakba atema akhum agütsür. AYO-i iba ama amokmeren anema nokdaktsü mulungtetba ya parnoki nübertem asoshi mapa tajung inyakba kuli dang masü saka nuchi mulungsentsü alirtem nung asenok alitsü, ta RSZ sangdong ajangasa ashi.

Iba mapang kaketshirtem dang 'raised-bed' yangluba aser seedling tray nung soilless nursery tem yangluba sayua parnoki ali kettangsüba aser süngdong-lidong atemba yimyatem angazük, electrical wiring, king chilli pickle yangluba, paper bag yangluba amala sayua liasü.

Hands-on skilling activities balala den külemi kaketshirtem digital initiatives balala nung shilem agia digital education nungi tajangzük anguba tem sayua liasü.

E-Classroom initiative nung shilem ka ama Samagra Shiksha ajanga agütsüba Smart TVs nung Digital Education Tools balala amshia NCERT sentong balala sayua liasü.

Smart TV ajanga kaketshir temi jenjang tajung educational content reprangteter aser terenlok maparen balala indang angazüktsü.

DPC-i Kanili aser kinunger ajunga den asüku lemsateper aser pai mapa tajung inyaka yutsüba bilemteta anisüngzük angutsü imlatsür.

Mangyimer kibong asoshi onoki sarasademsür aser DPC nenok den teti lir aser akokba lenmang nung yariteptsü. Asür tanüla tesunep nung anisüngzükjung, ta DPC sangdong ajangasa ashi.

Iba reju ya 2021 küm amenok aser technical education tsütsü diploma programme balala agütsür. Yangi tesayurtem ya takotet nisungtem lir aser facility tasen aliba ajanga kaketshir temi tanü tendak takok angutsüsa angazüker.

Osang tali tejangjaba metetner temi mobile number 6003082358/ 8014811621 nung jembitetsü mesüra http://gppnagaland.co.in nung email sütettsü, ta sangdong ajangasa ashi.



July 29, 2024 nü Japan yimtiba, Tokyo nung QUAD senden nung (aben nungi) Indian Foreign Minister Subrahmanyam Jaishankar, Japan Foreign Minister Yoko Kamikawa, Japan Ato kilonser Fumio Kishida, Australia Foreign Minister Penny Wong aser US Secretary of State, Antony Blinken nunger tangokba noksa nung angur.

## Prashant Kishor-i October 2 nü yimtenren party ka tentetsü

New Delhi, Chiteni/July 29 metedaktsüogo.

(Agencies): India nung election asalentong yanglur mongin, Prashant Kishor indang organization Jan Suraaj Abhiyan-i October 2 nü yimtenren party ka tentetsü; iba anogo ya Mahatma Gandhi sor küm 155 ajungba anogomong asütsü.

Bihar nung assembly election agitsü jakdang Prashant Kishor-i state level senden 8 ayongzüksü aser iba nungji ketcangser lakh 1.5 adentsü.

Item senden nung party tasen tentetsü, lenirtem shimba inyakyim, temzung aser party nükjidongtem atema jembitsü, ta Prashant Kishor indang organization-i osangbenertem senden ka nung

angatdaktsütsüla, ta ashi.

Anogo ishika jakdang Prashant Kishor-i, nisung crore 1 shi Jan Suraaj nung adentsü aser iba mapang nungji full-fledged party akümtsü, ta metedakja liasü.

Jan Suraaj Campaign Committee züngsemtem den senden amendang pai iba osang ya mezüng metedakja liasü. Pai züngsemtem dang, Bihar nung kin nung ajemdaker telesma tulu adoka lir, anungji Bihar nung nübertem ka kümä longjedaktsütsüla, ta ashi.

Kishor-i, sentong ajak takok ngua arudar, ta shia pai committee züngsemtem dang inyakyim nung temelensi adokdaktsünura nenoki nübertem nem tama

## India nung küm shia peri mechiba ajanga nisung 50,000 asür

New Delhi, July 29 (Agencies): India nung küm shia nisung 50,000 shibo peri mechiba agi asür, aser alima nung peri mechiba agi nisung teimtiba asuba linükji India lir, ta Hombarnü BJP MP Rajiv Pratap Rudy-i metedaktsü.

Lok Sabha senden nung kanga tongtibang onüktem benoka o lemtepba mapang nung Saran nungi BJP MP, Rudy-i, küm shia India tesem balala nung nisung lakh 30-40 shi peri mehir, aser iba nungjagi nisung 50,000 shi asür, ta metedaktsü.

Paisa, peri mechiba ajanga nisung asütsü alibaji nokdangtettsü, peri mechiba kanga bulua atalokba ya climate change den sendaktepa lir, ta ashi.

Lok Sabha senden nungsa Vellore nungi MP, M Kathir Anand-i beedi yanglurtem, talisa tetsürtemi timtem tulu ajangshiba osang metedaktsü.

Anand-i Centre sorkar dang beedi yanglur arrshi küm 60 ser temapurtem nem pension agütsütsüla, ta mepishi.

Kanyakumari nungi MP, Vijay Vasanth sorkar dang medical treatment mapang sen teindokba ajak sorkari agütsütsü atema Ayushman Bharat scheme ya reprangshitsüla, ta ashi.

Bathinda nungi MP,

Harsimrat Kaur-i, Punjab nung Integrated Child Development Scheme (ICDS) supplementary nutrition programme nung ochimashi tulu lir, kechiyong teyari angutsü temsüa malir aikati niya teloktem ajanga teyari agir, ta ashi.

Laisa, iba tatalokbatem bushisüngdangtsü atema Central Bureau of Investigation (CBI) nem agütsütsüla, ta metedaktsü.

Tamil Nadu kübok Karur nungi MP, S Jothimani-i National Eligibility cum Entrance Test (NEET) aija, "Question paper alizüksü atema sen lakh 25 shi alirtemi dang NEET taticang nung takok angutsü ta onoki bilemer. Iba taticang ajanga loktiliba aser rongsenketzung tsütsü nübertem bendanger," ta ashi.

Laisa, Tamil Nadu nung kaketshir 18 bo NEET taticang ajanga soseta sügo, anungji NEET ya agentsüla, ta takhangba agütsü.

Godda nungi MP, Nishikant Dubey-i, ozüng alema aruba Bangladesh nungertem ajanga Advivasi nunger temedentem agiadoker, ta metedaktsü.

Dubey-isa, "Jharkhand nung Adivasi nungertem longkak aittsü meranger, kechiyong parnok temedentem Bangladeshi nungertem agiadokogo," ta ashi.



New Delhi, July 29, 2024: Supreme Court küm 75 ajungba nüngtem nung agiba Lok Adalat nung Chief Justice of India, DY Chandrachud den Justice JB Pardiwala aser nüngtugu lawyer, Kapil Sibal nunger noksa nung angur.



**State Bank of India**

STRESSED ASSETS RECOVERY BRANCH, JORHAT

Na-Ali, M G Road, Jorhat, Opp. ASEB Building, PIN-785001 (Assam)

Tel No : 0376-2300193 / 2300204

[Rule - 8(1)]

KIOJEN AGIBA NOTICE

Securitisation and Reconstruction of Financial Assets and Enforcement of Security Interest Act, 2002 aser section 13(12) read with Rule 3 of the Security Interest (Enforcement) Rules 2002 nung agüja aliba tashi amshia State Bank of India nung Authorised officer- 18.07.2018 anogo nung Demand Notice ka ajanga sen apurtem Vikugha Zhimo aser Mr. Anil Lakhotia (Partner Real Rubber Industries, Hevishe Village, Subdivision Niuland, Dimapur, Nagaland, PIN: 797112) dang 17.07.2018 anogo tashi nung aliba sentsüh Rs. 80,24,727.37 (Rupees Eighty Laks Twenty Four Thousand Seven Hundred and Twenty Seven and Thirty Seven Paise only) den 18.07.2018 anogo nungi tenzüka sen temetlok, incidental expenses, costs etc ajak notice anguba anogo nungi anogo 60 tsüngda agüjeng ta metedakja liasü. Ajisüaka sen apurtemji senji meyipa magütsüet, anungji sen apurtem/Guarantor aser public dang, iba Act nung Section 13(4) aser Security Interest (Enforcement) Rules, 2002 indang Rule 8 nung agüja aliba tashi amshia tsünglangen sign sua aliba ketdangser temi tsünglangen shia aliba kiojenji 2024 küm July 26 anogo nung agiadokogo ta sangdonder. Talisa sen apurtem/Guarantor aser public dang iba dak sendakba kiojen atema kecha inyaksangshi masütsü metedaktsür, mesüra 17.07.2018 anogo tashi nung aliba Rs. 80,24,727.37 (Rupees Eighty Laks Twenty Four Thousand Seven Hundred and Twenty Seven and Thirty Seven Paise only) aser 18.07.2018 anogo nungi tenzüka sen temetlok aser incidental expenses, costs, etc ajak State Bank of India nem agütsütsüa akümtsü. Iba Act nung Section 13 kübok Sub-Section (8) nung ajemdaker sen apur dang mapang shidak nung kiojen alangzüksü metedaktsür.

Belenishiteba kiojen osang:

Bank dang nangzüka belenishiteba osettem:

(1) Centrifuge Machine Complete set

Latex Incoming Assembly (2 sets), Processing Assembly (2 sets), Final Product Assembly (2 sets), Latex Out-put layer (2 set), 15 KV Motor (2 set), Main structure machine (2 set), Gear box, coupling (2 set)

(2) Crane system 1 set

Mebelenshiteba kiojen: Nil

(S/-)

Date: 26.07.2024

Authorised Officer

(State Bank of India, SARB Jorhat Branch)



July 29, 2024 nü Uttara Kannada district nung anentsüh tulu aluba sülen Indian Navy sepaitemi samaba nisungtem bushidang tangokba noksa nung angur.



# TIR YIMYIM

## YIMOBILEM (EDITORIAL)

DIMAPUR SANGTENNÜ, JULY (CHITENI) 30, 2024

### Govt mapa raktepba putu

**T**awa Bangladesh nung government mapa adok shia, akhi ama, nisung kar asoshi shilem balaka shiteta yutsütsü asoshi obendangdak nungi obendang agütsüba anema lanurtemi longkak aitba mapang nisung 163 tashi taküm aotsusa atalokbaji kanga tesasatsüka lir aser iba lagi tanü putu nung kaketshir aser lanurtem rongnung government mapa raktepba tensa tia indang sayur. Atangji, lanurtem rongnung government mapa raktepba ya Bangladesh nung dang masü saka asen lima nunga kasa tebilemtsü agi lanurtem taküm aika timtem takoksa ajurudagi. Atangji, Bangladesh nungbo alima kin tapu balala nungi takartemi industry tapu balala amenoka lir, anungji item industry-tem nungji Bangladesh nunger aika mapa ngua inyaker. Ashiko, asenoki sema aliba tula süoshi-jia teimbaka Bangladesh nung yangluba asütsüa akok aser yamaji asenoki achiba chiyongtsütem Bangladesh nung yangluba seper yokba chiyongtsütem asütsüa akok. Ano, parnokbo tzüim tzüküm nung alir asünungji rong yangludaka lir aser anogo shia rong aruli oli ta senzüba mapatem kisüng nunga nisung aika mapa ngua inyaker. Iba mapatem lagi mataba nisungtem asen lima tashi aruagi asenok den külemi lia ayanger nisungtem lakh junga lir. Iba ama lima ka nung government mapa adok shia noklang nung shilem 56 ( 56%) telok balala nem shiteta yutsür tanüngba Bangladesh nunger lanurtem asoshibo government mapa adokba nungi noklang nung shilem 44 dang yutsüba, atangji, govt mapa bushir lanurtem asoshi tezüdagtsüka aser tejashitsüka lir. Bangladesh ya East Pakistan ta ser tang aliba Pakistan den yimten külem ser liasüba, India teyari ajanga 1971 küm yimten nÜchiso angu aser East Pakistan agi Bangladesh ta melener alima nung parnoka nÜchiso akaba kin tasen ka ser temzung ozüng aser inyakyim tenzüka aodang, 1972 küm Bangladesh government kübok kechi mapasa adokdir , item mapatem nungi noklang shilem 30 (30%) Bangladesh yimten nÜchiso asoshi rararem nungi jakzükba semchirsemnrtem asoshi shiteta yutsü aser tanüngba 26% ji kin tila purtem aser matamabensartem ama telok nem shiteta yutsürbo Bangladesh nunger tanüngba nÜtsüng teimbaka asoshibo 44% dang anÜngzüka toktsüba ajanga Bangladesh nunger kaketshirtemi tamalena iba telemtetbaji agentsü atema takangba agüja longkak aita aiben timtem agiogo. Iba lagi Bangladesh government-i tang aliba Sheikh Hasina, lasa ato kilonser aliba mapang 2018 küm Bangladesh nung government mapa telok balala asoshi shiteta yutsüba telemtetbaji aser sentongji khenyongi agienadok. Iba lagi küm pungo trok ka Bangladesh lima tesüne nung lia aruogo. Ajisuaka, taoba ita nung Bangladesh High court nung obendangertemi Bangladesh nung government mapa bushirtem asoshi "Reservation Quota" ji akhi ama 56 % toktsütsü ta obendang agütsüba ajanga Bangladesh lima mapa aisü nung kanga akoksaogo. Joko, tangbo lanurtemi longkak aita akang marem Bangladesh government-i government mapa 56% balaka shiteta yuja aruba nungi 7% dang shiteta yutsütsü telemtetbaji agiogo. Tang telemtetbaji tasenbaji ajanga Bangladesh nÜchiso atema rara semchirsemnrtem asoshi govt mapa 5% shiteta yutsütsü aser tanga telok atemaji 2% yutsütsü aser tangbo Bangladesh nunger tanüngba government mapa bushirtem asoshi mapa adok shia 93% ji parnok meyong asütsü. Atangji, tapayutsü senti taküm 163 bo samaogo saka parnok taküm tenla ajanga Bangladesh nunger lanurtem aika tang aser teti tajangzük angutsü. Peisasa mapa apiteta inyaktetterem atemabo government mapai aibajiang takoksa asütsüa akok saka nisung aikati government mapang-ang tayongba aser tajungba amai billemer, kechiyong government mapa nungbo ita sen dang masü teyari aika keta lir aser shirangyonga ita senbo angutsü aser mapa nungi anenaka pension angutsü aser pension meliaka mapa nungi anendang sen aika agizüker. Iba lagi alima ajunga nung government mapa rakteper. Anungji, asen lima nunga government mapa ya kin apia masü saka sensaker aser tilar kibong asoshi shilem tilaka shiteta yutsürbo tanüngba mapa atemaji ajak nem kasasa maongka agüja toktepdaktsür tajngtibatem shimra, mapa bushirtem rongnunga temsüa alirtem angutsü aser government mapa nunga takok ngua inyaktsü.

# OLEMSABANG

## MAPA MEINYAKI CHIYUNGA-JEMA LINÜBA KIN

~ L.Kika Pongener.

Mapa meinyaki chiyunga-jema linuba kinji kechi kin asütsü ? Mapa meinyaki chiyunga-jema linuba kinji tangar masü asen Naga nunger ya asütsü. Mapa meinyaki chiyunga-jema linuba agi sorkar mapai aitsü dang bushiteper. Naga nunger tazunger ajunga Degree tulu zünger asen lima nung arua, pei azüngba lenmang nung mapa (Project) kar tenzüker, pei sasa meranga inyaka pei taküm kibong mesur, ano tangar nema mapa karbo agütsütetsüsa 'Employee' masü 'Employer' asütsü nukjidong yur azüngtsüla. Tesasatsüka, tanü lanurtem aika Degree tulu ngua zünger, sorkar mapai aitsü aserbo mapa meinyaki chiyunga-jema alitsü, iba nukjidong nungji dang azünger teimba lir. Asen Naga nungeri mahshi/tai angatetba kaji, sorkar mapai aiba ya, mapa meinyak chiyunga-jema alitsüba lenmang tajung ka amai angatetba agi, sorkar Department ajunga nung sorkar tenzükertem teimba kati pei mapa nendak-nendaka meinyaker. Mapai mao/Office-i mao ser itasen agizüka agitsüba, ibala nukjidong nungji tenzüker teimba lir. Kanga tesasatsüka, sorkar tenzüker karibo linuk terenlok mapa inyaktsüba, nungdem nung aruba sen tiyazü Project/Bill yanglur mimzüka agiba ketdangser, ashiko, karbo alitsü akok. Tesasatsüka, asen lima nung tenuk-telen, mata-mabensar, atema teyari agütsüba senotsü, ashiko, tenuk-telen ajak abensa-a shitak alirtem-iang teimba agia alitsü akok...!!! Tantsür-tambur, leni maor atema teyari agütsü senotsü, ashiko, tashikar/aturartem-iang teimba agia alitsü akok...!!! Aluyimer nem teyari agütsüba sen/oset, ashiko, alu mayimer, O-lu ayimer-iang teimba agia alitsü akok...!!! Atangji, asen lima ya shitakba tangutsü tim-pur masü, saka shirnoki lenmang metet, shir tulur den metettepa ali, shir tulur den sosema ali, parnokji dang tajangzük agiba lima ka küma odagi.

Nagaland State ngur mezüng sorkar tenzüka aoba mapang, Center sorkar-i linuk terenlok mapa inyaktsü asoshi sen (Fund) yokba, asen yimsusurtemi terenlok mapa inyakba nung agir magima, Center sorkar dangi meyipa yokba tanü tashi otsü-sutsüsa jembir. Aji oda, alima tazü asüba mapang asünungji, terenlok mapa inyaktsü inyakera meinyakmai nangdaka kar sernung, asen yimsusurtemi sen magima meyipa yokbaji, parnoka tera mashimalo mapa ka inyakogo ta tanübo asenoki kanga sasa bilemer. Ajisuaka, iba mapa lagi parnok dak pei asoshi tiyazü Project/Bill yanglur mimzüka agitsüba aser ochimashi mapa inyaktsüba shisatsü khenyongi mali, ochishia linuk terenlok mapa inyakba küli tejangja sayur. State ngur mezüng sorkar tenzüker tulurtem aser yimsusur Minister/MLA karbo, pei alitsü ki tajung ka maka, kimong-lumong kecha alia maka, pei agitsü kecha rizünga maka, sura-ki nung lia, arishi tempangba tanü tashi otsü jembir. Tesasatsüka, iba sulen sorkar balala melentepa yimsusua arudang, linuk terenlok inyaktsü nungdem nung aruba senotsü ketdangsertemi ochimashi amshitsü angazüktepa ao, mapa meinyak ser tiyazü Project/Bill yanglua sen agizüka agitsüba, iba amala mapatem meteta aküm. Aser tanüa Sorkar tenzüker karibo iba shisatsü tangatetbaji (Mentality) meintokteti benshia alitsü akok. Ibajagi asen nuburtem alima talangi tanepstsü bushia moi, asen lima nung sen dalang agi shiranger temang anepalutsüba Hospital tulu, tanga lima nung akaba atoksa-a maka, kaketshirtem tanga lima nung sen aika meintoki asen lima nung, sen dalang agi azüngtsüsa College/Institution/University tangar lima nung akaba atoksa-a maka, asenok iba jenjang/tia nung alir.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züldü  
bilemba ken-o ama tazungeri angateta agitsü mepishir

# Laos nung nisung kari pastor Thongkham Philavanh khaset



Pastor Thongkham Philavanh aser pa kinüngtsü na noksa nung angur.

**Hong Kong, July 29** sentong agiba anenang ta jenjang nungi masetshi aser pa (Agencies): Hombarnü (July tuyua liasü. Pastor Thongkham ya aika taküm nung kongshigo," 22, 2024) Laos nung Vanghay tribal Khmu lenir ka aser Lao Evangelical Church (LEC) nung provincial tekolak liasü. Pai sayutsüngia senzüba den külemi Yisu film sayu aser pastor tem atema training ayongzüka katsüba nung shilem agia aruogo.

Nisung anaji aruba sülen pastor den o khen jembiba sülenbo nisung ana rongnungi kati pastor dak tekolak aser temang nung injang tenetben khaloktsü. Tena indang prangpong nungji 'silencer' keta liasü.

Pastor dak injang khaloktsüba sülen tena ajen aser kiyongertemi pastor ji provincial hospital kati anir ao saka lenmang tom nung asü. Honibarnü (July 27) Pastor Thongkham den tatembangbuba asüpila sentong nung LEC nungi lenirtem aika aden.

Xai District, Oudomxay Province nung pastor khasetba tatalokbaji ketdangsertemi bushitungdangdar. 2020 küm October ita nunga Laos nung Khammouane Province kubok Don Keo yimdak Pastor Seetoud reshikangshiba sülen tepseta liasü.

Yimdak yimsüsürtemi pastor Thongkham dang post ka ajanga, "Pa kanga shisa taka liasü, pai tamang

Tawa Pastor Thongkham khasetba ajanga iba linük nung Khristantem asentenshir taliba tsüber aser Khristan lenirtem aikati senzüempongdang kanga kümangtsüsa kümogo.

Laos nung Khristantem reshikangshiba jenjang tamajung akümyonga küm shia Khmu nungertem aikati Yisu Khrista agizükdar.

Laos nung Khristantem aikati pastor khasetba atema mangyim jashi den külemi aoksaba osang lemsatep. Kristian kati Facebook post ka ajanga, "Pa kanga shisa taka liasü, pai tamang

Anogo shia Khmu Facebook page nung Khristantem indang sentong balala lemsatepba ajanga nisung meyirjang aikati Khrista agizüker.

Tang alima nung Khristantem alitsü asoshi linük tamajungtiba 50 rongung Laos ya jenjang 21buba nung lir (Open Doors' 2024 World Watch List).

**Chinese Communist Party-i project ka kubok Laishiba zülushitsü**

**July 28, 2024:** China nung Chinese Communist Party (CCP) sorkari linük nung tamangba yimsü azüoktsü 2017 küm Party Congress nung Xi Jinping-i China nung tamangba yimsü azüoktsü aser tamangba yimsü o sorkar na liromedemtsü atema sangdonga liasü aser iba mapang nungjagi sorkari linük nung yimsü ajak azüoktsü atema inyaksangshia arudar.

China nung Laishiba maparen tembangtsü atema küm 10 project ka tenzükogo, ta kasa osang ajangasa metedaktsü. Tamalena China nung, osangtajung Yohan kaket nung Yisu Khristai nüktapangta tsür ka dang, "Oang aser tang nungi temenen tebensi' ta shia lir,

Henan province nung CCP ketdangsertemi Protestant Arogotem dang Mosa Ozüng Ter melen Xi Jinping-i jembiba otom amshitsü tuyua liasü. Mezungbuba ozüng nung "Kü dak alia tanga tsüngremtem malitsüla" (Anitet 20:3) ta shia lir, ajisüaka ibaji melen-a "Anüolen aliba linüktem tangatetba mita alitsüla," ta amshir.

## ANOGO ABEN TSÜNGREM DEN

### Taitsüba Aser Angatetdaktsüba


"Tsüngremi mulungba amato jashitaktsübai, tanaben mesasatsüsa, tekümtet asoshi temulung meyipdaktsür" (2. Kor.7:10)

Taitsüba aser kongshia aitba tatishitsü tajungtibaji Iskariot Yihuda aser Simon Peter lir. Aji saka satani Yihuda ashioktsü. Pai Yisu ashioktsü (Lk. 22:3-5). Kodang Yihudai pai inyakba bilemtet, pai kanga jashi aser pa sasa soleta asü. Pa soleta asübaji satani aitsüba asü Tsüngremi kongshiba ? Ibai taitsüba, kechiaser pai pa sasa tepset. Taitsüba lagi tasüba dangi anir; kongshia jashitaktsüba lagi temulung meyipba aser taküm dangi anir.

Peteria Yisu menangzük. Nütsüngtem rongnung jembiba ama, ibai asüküm nungi tenzüker; shiba tuluba asütsü. (Lk. 22:24-30). Asüküm ajanga Peteri satan nem' tetsüng ajemetdak ka agütsü (t. 31). Saka Yisui Peter asoshi sarasademtsü (t.32)

Peteri Yisu den asütsü nangzük. Saka Yisui pai pa ashioktsütsü ta ashi, aser aji atalok (Lk. 22:33,34). Peteri angateta aru aser jashi aser temulung meyip (Yn. 21:15-17). Kodang tejashi nung Tsüngrem nungi piladir satani na aitsür. Ibali nokdangang. Saka kodang ne tejashi lagi Khrista den ajurutepdaktsür aser ne tai nangzüker aji Tanelia ajanga inyakba. Khristai asenok taticang ajak nung yarir (1 Yn. 2:1). Kibuba, Tebu matsüngdang onok aitsüba ajak nung nai kümzükba asoshi pelar.

### Floodgates of Heaven International nung lenir Ofori tepuokdak ayutsü



Sylvester Ofori aser Barbara Tommey

**July 29, 2024:** Pei sasa liasü.

Tsüngrem ainkar ta jembisang aser Orlando, Florida nung aliba Floodgates of Heaven International Ministries nung lenir, Sylvester Ofori taküm piyong tepuokdak ayutsü atema pa anema obendang agütsüogo.

Arrshi küm 39, Ofori-i 2020 küm pa kinüngtsü khaseda liasü, aser taoba Brihostibarnü pa taküm piyong tepuokdak ayutsü obendang agütsüogo.

Orange-Osceola State Attorney Office-i, court nung 10 dak temai Ofori anema tenük kuli agütsüogo, ta metedaktsü.

2020 küm September 8 nü pai pa kinüngtsü, arrshi küm 27 Barbara Tommey khaseda liasü.

Police-i ashiba agi, social media nung Ofori indang 'followers' 60,000 dak tema liasü, saka tangbo pa indang social media account ji shibangtsüogo.

2020 küm September 8 anepdangji 9:00 ako matongdang Ofori-i pa kinüngtsü Tommey mapa inyakba tesem, Navy Federal Credit Union-i oa la den raraa

Tenük kuli alirtemi affidavit ajanga detectives dang, Ofori ket nung prangpong ka liasü aser pai la sülen anidaka liasü. Lai kar dang kishi lapokjang ta mepishia kishi akoshi saka iba mapang nungji Ofori-i la dak injang khen khaloktsüdang la lao. Iba sülen-a Ofori-i la dak tekolak nung injang ishiben khaloktsüba sülen gari nung jena oadok.

Tamalen Floodgates of Heaven International Ministries-i parnok indang website ajanga, Ghana linük nungi Ofori ya tematiba Tsüngrem ainkar ka lir, ta metedakja lir.

"Ainkar Ofori-i pa lanur asüdangyonggi Tsüngrem tenzüktsü melungtet. Pai Tsüngrem tenzüktsü jangrabaji par tsüraburtem ajanga lir ta ashir, kechiyong par tsüraburtem tanur ajak dang Tsüngrem tsübutüsayua anitet. Pa den par adianu asemprong crusade aser revival sentong balala nung o jembitsü atema aikati ajar," ta website nung shia lir.

**AO OSHI ANGAZÜKDAK:**  
TANÜ ANGAZÜKTSÜBA OJANG


Tir Yimyim

**Taku**


(adj) tanang masü, tebang dang majung (bitter)

\* Likok aser kora taku lon den jangratema chiyonger.

**Taküm**

(n) nisung tango sashia aliba ( life)

\* Alima nung nisung taküm ya khen atema dang lir.

**OLONG PAITEP # 6860****TIPLER**

2. Auonungchiyongtsüasenba  
5. Mangyimba mapang  
7. O tamendakdak  
8. Peidak malangba  
10. Juli  
12. Sen ayudak  
14. Tenük agi ajitet  
15. Tamajung aküm  
16. Apuso

**LANGTSÜNGLEN**

- (7) 1. Lenmang  
- (5) 2. Aor kidong ka tenüng  
- (4) 3. Tenarong maten  
- (7) 4. A \_\_\_ g  
- (7) 5. Mopung apodoka  
- (7) 6. ola adokdaktsüba  
- (7) 7. Tongtipang tagitsü  
- (7) 8. Menungra bilem  
- (4) 9. Alür  
- (5) 10. S \_\_\_ k  
- (7) 11. T \_\_\_ r  
- (7) 12. 13. 14. 15. 16.

**OLONG PAITEP # 6859 TELANGZÜBA****TIPLER :**

2. Pongsen, 5. Lepko, 7. Omen,  
8. Maongka, 10. Yangkhu,  
12. Senpong, 14. Angu,  
15. Raksa, 16. Arameso,

**LANGTSÜNGLEN :**

1. Alimang, 2. Pongan,  
3. Samaru, 4. Nün, 6. Pio,  
9. Nüngdak, 10. Yongya,  
11. Kongro, 13. Ora, 14. Ata.

**NAI-A YA METETTER MA**

Taküm Paris Olympics nung shilem agirtem rongnung tanutsüla Jiangxi Chinese skateboarder Zheng Haohao lir.

Arishi küm 11 tain Zheng ya China nungi youngest Olympian lir.

Budapest aser Shanghai nung Qualification Series nung shilem agiba sülen Zheng-i Paris Olympics nung shilem agütsü jenjang nguteta liasü. Taküm Olympics nung ano tanur pezü lir aser parnokji USA nungi Quincy Wilson, Hezly Rivera o Lola Tambling aser Great Britain nungi Sky Brown nunger lir. Parnok ajak ya arishi küm 16 taintem lir.

Tang tashi nung Olympics nung shilem agir tanubosangji Greece nungi Dimitrios Loundras lir. 1896 Olympics nung pa arishi küm 10 aser anogo 218 asüdang shilem agia liasü.

Mizoram: Cyclone Remal ajanga takoksa angur tanur 96 yarir



Aizawl, July 29, 2024

**(Agencies):** Mizoram nung Social Welfare, Tribal Affairs, Women & Child Development-i July 29, 2024 nü Remal Child Victims' Compensation Program agiogo.

Hyve Aizawl City Hall nung ayonga agiba sentong ya Aizawl aser temeket nung Cyclone Remal ajanga takoksa bentsür aruba tanurtem yaritsü asoshi agi.

Women & Child Development (WCD) kubok Mission Vatsalya aser Mission Shakti scheme tem ajanga senotsü teyari agütsü.

District Child Protection Unit,

Aizawl aser Child Welfare Committee, Aizawl ajanga May 31 nungi July 5, 2024 tashi Cyclone Remal ajanga takok anguba tanur 96 jangjateta liastü.

Mission Shakti kubok tanur tetsür 28 asoshi Beti Bachao, Beti Padhao (BBBP) kubok SSA Account lapoktsü.

Juvenile Justice Fund of Mission Vatsalya kubok tanur 16 nem küm ka atema monthly sponsorship Rs 2000 agütsütsü. Iba ya parnok shisaliok bushiba, chiyungtsü tajung achiba aser temang anema alitsü atema

agütsür.

"Cyclone Remal ajanga takoksa ajuruba tanurtem ya 'The Juvenile Justice (Care and Protection of Children) Act, 2015' kubok züngsemer aser sorkari parnok asoshi temulung agütsür" ta Social Welfare, Tribal Affairs, Women & Child Development Minister Lalrinpui-i ashi.

District Child Protection Unit, Aizawl aser Child Welfare Committee, Aizawl ajanga tanur 96 jangjateta nungi tanü parnok 41 nem teyari agütsüba atema pelar ta Minister Lalrinpui-isa ashi.

**Arunachal sorkari ST kaketshirtem nem scholarship agütsütsü**

Guwahati, July 29, 2024

**(Agencies):** QS World University Rankings nung global universities tematiba 150 nung undergraduate aser postgraduate azünger ST candidate ajak nem scholarships agütsütsü ta Arunachal Pradesh sorkari metedaktsüogo.

QS World University Rankings ajanga alima nung reju tajungtibatem asadanger.

Arunachal Pradesh deputy chief minister aser finance minister Chowna Mein-i Assembly nung budget onük jembang state sorkari Innovative

Arunachal Pradesh Scholarship for Academic Excellence Scheme tenzüksü ta ashi.

"Iba kubok QS World University Rankings nung top 150 global universities nung Undergraduate aser Postgraduate courses azünger APST lanur nem scholarships agütsütsü" ta Mein-i ashi.

"Iba scholarships nung tuition fees, on-campus residence fees aser airfare 75% adentsü aser ano medical insurance premium densemstü" ta pai ashi.

State sorkari Indira Gandhi Rashtriya Udan Academy ama

recognised government institutes nung commercial pilot licences atema training agir nem 75% fee agütsütsü ta Mein-isa ashi.

Arunachal Pradesh nung mezungbaba greenfield airport Donyi Polo Airport lapokba ajanga Independence sülen Arunachal national aviation map nung denogo ta paisa metedaktsü.

"Ajisüaka Commercial Pilot Licenses atema training nung sen aika endokba ajanga asen lanurtemi pilots kümüüaka mekümteter. Onoki taruba kümtem lanur 10 tashi yaritsü" ta Mein-isa ashi.

**Imphal East nung NFSA kubok jang magütsüba atema lungkak ait**

Imphal, July 29, 2024

**(Agencies):** Manipur nung tesüiba ita 8 tashi National Food Security Act (NFSA) kubok jangotsü manguba atema lungkak aitogo.

Hombarnü parnoki Imphal East district nung Deputy Commissioner office nungpoka atu.

Kshetrigao assembly constituency nungi MLA Sheikh Noorul Hassan-i anir nisungtemi DC Office nungpoka atu aser parnoki Manipur CAF & PD minister mapa nungi anentsüla ta yimyim ayima takhangba agütsü.

Kshetrigao Assembly Constituency nung tesüiba ita 8 tashi National Food Security Act (NFSA) agents aser sub-agents-ia July 22, 2024 nü Deputy Commissioner Khumanthem Diana nem memorandum ka agütsüogo.

Iba memorandum nung NFSA agents 23-i sign süa lira ser parnoki ita 8 tashi Kshetrigao Assembly Constituency nem PDS jang magütsüi aliba agüijang ta akhangba den tawa tasen shimetba Fair Price Shop (FPS) agents tenüng sangdongtsü mepishioigo.

"Nüörtötemi jashiba sayutsü atema ozüngi melaba ama lungkak aittsü. Ni parnoki shimetba nübo ka ama nüörtötem taginüba ama inyaktsü" ta MLA Hassan-isa ashi.

"Ni bangdak Minister aser ketdangsürtem dang mapa inyaktsü aser tangsa jangotsü agütsütsü zülur" ta pai ashi.

Iba memorandum nung NFSA agents 23-i sign süa lira ser parnoki ita 8 tashi Kshetrigao Assembly Constituency nem PDS jang magütsüi aliba agüijang ta akhangba den tawa tasen shimetba Fair Price Shop (FPS) agents tenüng sangdongtsü mepishioigo.

**Meghalaya kubok Tura nung nisung kari Assam garitem amak**

Shillong, July 29, 2024

**(Agencies):** Meghalaya kubok Tura nung mejangjateta nisung kari Assam gari ka amak.

anena ayu saka nisung kari gari aina jaksatsü. Osang angazükba agi nisungtemi lagi pa dak-a teka sangshi.

jagi Tura police station jakdang Assam-registered gari ka amak.

Iba tatalokba sülen pai Tura police station nung ken o benoktsü atema ao saka Meghalaya Police-i FIR agütsütsü memulung aser pa dang tesem toktsü aotsü ashi.

Iba tatalokba sülen mapang tatsüka lir iba kasa nisung telok atema aoksaba metedaktsü.

Gari kibur anaprongi Meghalaya Chief Minister aser Director General of Police na dang Meghalaya semdangi aruba Assam nunger kümzüka ayutsü mepishio metedaktsü.

Lanur contractor yagi mapang shia Tura nung mapa atema arur aser iba ama atalokba atema aoksaba metedaktsü.

# Kamala Harris hopta ka nübuymba nung sen million \$200 bendenogo



**Washington, Chiteni/July 29** Volunteers tasen 170,000 (Agencies): Kamala Harris indang election campaign-i Deobarnü ashiba agi, la Democratic Party indang presidential candidate kumer hopta ka nung parnoki sen million \$200 bendenogo aser volunteers tasen 170,000 tenüng agütsüogo.

Ita tetenzüklen US Tir Joe Biden-i tanaben US tir election nung tokteptsü sentong tembanga November 5 nü Republican telok nungi Donald Trump den tokteptsü asoshi Harris yaritsü sangdunger iba osang ya angashir.

"Onki tenzüker hopta ka nung @KamalaHarris ajanga sen \$200 million dollars bendenogo. Iba ya shilem 66 bo tetenlar tasen nungi lir.

June ita atemdang Trump indang campaign kabu nung sen \$284.9 million liasü aser kasa mapang Democratic campaign

kabu nung sen \$240 million liasü. Democratic National Convention atema Harris yarir delegates timba lir, anungji taruba ita party senden nung tir atema nominee ka ama la shimtsü tejangjaba akumer.

Biden-i June ita tatemlen Trump den o intepba nung shilem junga magitetba mechi nüburtemi aser party lenirtemi pa indang arishi küm aser health asoshi tasüngdangba lia pai November ita US tir election nung metokteptsü sangdong.

Biden-i January 20, 2025 nung pa kümsük matem tashi tir ka ama inyaka alitsü nangzük. Harris-i melenzükba ajanga Biden-i Trump madak takok ngua yimsü asütsü tamang makateti aliba nübuym nung tashi itsi. O intepba nung Biden-i shilem junga magitetba sülen tongtipang state tem nung densema Biden dang Trump jenjang tajungba polls ajanga sayu.

Ajisüaka Harris tetsüng ajemokba ajanga mopung melensiogo. Brehostibarnü adoktsüba New York Times/Siena College national poll nung Trump dang Harris tera agi tajungba liasü aser Hokulbarnü adoktsüba Wall Street Journal poll nung Trump ya point ana agi temaba liasü.

July 23 nü Reuters/Ipsos poll adoktsüba nung Harris ya point ana agi temaba liasü.

## MULUNGREN 0



15-10-1935

24-07-2024

Akangchuba Longkumer (Longkong)

Ozü temeim Asür Akangchuba pa temang mejungi mapang tatsüka alidang aser pa iba lima nungi pilar onok mangyim jashi nung alidang kija-kibong, kidang-kiyonger, arogo purtem, tembaromedemer aser temeimerter shirnokisa onok dang meima sarasadem, nübo aser rongsen agi yaritepogo, nenok ajak dang onok kinungertem kanga pelaba lemsateper.

Nenok temeim aser teyari mapa tajungtem onok mulung nung teti alitsü. Tulusang Tsüngremi nenok ajak talubosa moajangma. - Temeim Kinungtsü, Chirnur, Semchirsemnur aser Kinungertem.

## israel-i drone amshia Lebanon amak

**Tel Aviv, Chiteni/July 29**

(Agencies): Israel-i drone amshia Lebanon amakba sülen nisung ana tepsetogo.

Honibarnü Israel-i atsünger aliba Golan Heights nung football asayaba tesem ka rocket amakba amakba sülen lanur aser tanur 12 tepsetba sülen tang mezüngbuba Israel-i jenjang agiogo. Iba tesem amakba sülen Gaza nung rara ya tesem timbai prokshia aotsü ta tsübunga bilemer.

Lebanese state media-i ashiba agi, arrtsü anasa tesem ka amakba mapang motorcycle ka dak kongshi aser nisung ana tepset aser tanur ka yirua liasü. Kasa mapang nung ano tanga tesem ka nung nisung ana yirua liasü.

Israel military-i, parnoki Hezbollah atema inyakertem aser infrastructure tem maka liasü, ta ashi, saka tanga osang tejangjabo magütsü.

Hopta tatemti rocket amshia amakba ya Israel-i Hezbollah dak tai tongloksüogo. Telok ana ya joko ita aika arrtsü adena rara arudar.

Lebanon nung telungpur telok, shirnok Iran den sendaktepa lir parnoki Gaza pusema Israel maneni amaktsü ta nangzükogo. Golan Heights nung tesem ka amakba ya parnoki masü ta shiogo.

Deobarnü Israel indang security cabinet-i telanmgzüba agütsüsi atema Ato Kilonser Benjamin Netanyahu-i aniba sorkar nem temelaba agütsüogo.

Israel nung osang kaket tulutiba Yedioth Ahronoth sangdong ka ajanga ashiba agi, Israel-i jenjang kanga aikabo magitsü saka ajaki metettsüsa agitsü, ta Israel nunger ketcangsür kati shiogo.


Kasa sangdong ajangasa, Israel-i apu, power plants aser port tem aser Hezbollah pur prangbong injang aser hadir balala bendena ayudak amaktsü akok ta metetdaktsü.

Kasa mapang nung Israel-i Beirut indang international airport dena amaktsü akok ta tsübunga bilemer aser iba ajanga Hombar anepdang Beirut international airport nung mepetmesü adok, kechiyong airlines aikati parnok indang tayimtsütem thitsü aser passenger tem terminal kima tarensema atatepa liasü, ta Jazeera osangbener Zeina Khodr-i ashi.

October ita rara tenzükba sülen Israel aser Hezbollah napronglai rara tuluba kuma meyoktsü atema inyaksangshia arudar aser rara ya arrtsü nung military tamendakdak balala amakba dak dang rangloker liasü.

Ajisüaka tawa tatalokbatem ajanga telok ana tsüngda rara tuluba kuma aotsü akok ta ajaki tsübunga bilemer.

## Venezuela tir election nung Tir Nicolas Maduro-isa kokogo



**Caracas, Chiteni/July 29** (Agencies): Tir Nicolas Maduro-i Venezuela indang tir election nung takok nguogo, ta electoral council ajanga sangdongba nung ashir.

National Electoral Council (CNE) indang tekolakba Elvis Amoroso, shiba Maduro tembar tajung ka lir, pai ashiba agi ballots shilem 80 shi azüngba nungi Tir Maduro-i vote shilem 51 angu aser pa den toktepsi shilem 44 angu.

Venezuelan opposition-ibo CNE sangdong ya meshidak aser iba result ya magizüker ta ashir.

Edmundo Gonzalez-i vote shilem 70 nguogo aser tir inyaktsü pa ang tetemsü lir ta ashir.

Vote azüngba nung parnoki anguba den exit polls aser quick

agitepba nung linük yutsür jena aor timba akumtsü ta ashir aser poll kati nütsüng yongzük shilem asem bendang limai aotsü ta sayu.

US election nung immigration onük ya kanga sashia jembir, aser Washington nung aliba sorkar aser Latin America linüktem nung iba Andean linük yagi kongshitsü, kechiyas Venezuela nunger timba item linük yagi aor.

Venezuela ya shir linük den shishilempar, ajia tongtipang, kechiyas alima nung oil reserve timba iba linük nung lir.

Par linük indang rongsenketzung jenjang mejungi akumba atema Maduro-i US sanctions tenüng asen aser China, Iran aser Russia den tesendaktep tajung yanglu, shirnok US den tesendaktep mejungi lir.

Sorkar melenba ajanga Venezuela ya item linüktem aser par tembar tajung Cuba linük den tesendaktep raksatsü akok, saka Maduro-i yimsü sura par tembar linüktem den tesendaktep akangshitsü.

Socialist PSUV party kübok asür Hugo Chavez-i yimsü süa arur 2013 küm cancer agi asüba sülen Nicolas Maduro-i yimsü asüba ya meyokteper küm 25 lir, aser Venezuela nüburtemi sorkar nung temelensi

arudaktsüni liasü.

Latin America nung slums tulutiba, Petare kübok polling station ka nung vote agütsütsü nokdaktepa alirtemi temelensi atema vote agütsür ta shia liasü.

"Iba sorkar yagi Venezuela ya tashi tait linük ka kumdahtsütsü maongka peria nguogo, saka onok timtem ang ajurur," ta vote agütsür kati osangbener dang ashi.

Sorkari ashikülak mapa inyaka election nung takok angutsü ta nüburtemi tsüboa liasü. Maduro-i 2018 election nung takok anguba ya yimya shidak nung agiba election masü ta ashir.

Ajisüaka opposition temi Deobarnü agiba election nung Maduro administration ajanga election auyatsü merangba nung tamakok ajurutsü ta teimla liasü.

Taoba mapang tejashiba balala aliba mechi tang ama nübur jeti arua vote magütsü, saka tangbo item nisungtem ya tangsa yimsütsü menden nungi atsüngdoktsü temulungtetba nung lir, ta lenir kati ashi.

Sorkar dang tashi angar temi amokbanga aliba National Electoral Council ajanga election result sangdongba nung temulung meleme jembirtem rongnung US Secretary of State Antony Blinken dena liasü.

(Maneni tapak 8 nung...)

## 24buba NSF Martyrs' Trophy Sep 14 nungi asayatsü



**Kohima, Chiteni/July 29 (TYO):** Angami Students' Union (ASU)-i Hombarnü sangdong ka ajanga 24buba NSF Martyrs

Memorial Trophy September 14 nungi October 5 nü tashi IG Stadium Kohima nung asayatsü ta metedaktsü.

Osangbenertem den sensaksema mapang asayamung Organising Committee Convenor Vizokho Zashümo den co-convenor Neitsietuo Norbert Mere, ASU tir Khriesamhalie David Mere nunger iba osang ya ASU executive züngsemtem matsüngdang parnok indang office nung metedakja liasü.

Zashümo-i ashiba agi, iba asayamung atema senpet sen lakh 1 agi timba kümja sen lakh 7.5 kümogo, kong asayamung akokba tesem nem senpet sen lakh 3 aser tatongdakba nem

senpet sen lakh 1.8 agütsütsü aliba densema lir. Senpet den takok marok aser kuli kaket dena agütsütsü.

Kasa mapang nung semifinal nungi tamakok anguba team ana nem senpet sen 40,000 aser quarter-finalists nung tamakok

anguba team tem nem senpet sen 25,000 agütsütsü, ta ketdangsürtemi metedaktsü. Jurila sempet tem rongnung best midfielder, best defender, best goalkeeper, aser highest scorer densema lir aser parnok ajak nem senpet sen 10,000 agütsütsü, aser Man of the tournament nem senpet sen 50,000 agütsütsü.

Zashümo-isa, iba asayamung atema senpet sen lakh 1 agi timba kümja sen lakh 7.5 kümogo, kong asayamung ya silver jubilee atema renemshiba asayamung ka asütsü, ta ashi.

Asayamung nung shilem agitsü jangraba team temi August 1 nü nungi tenzüka ASU Office, Sports World main town Kohima, Sports Paradise Keziekie, Royal Enfield High School junction, Falcon Corner Medziphema, G Sports Chumoukedima aser Kiran Sports & Stationeries Dimapur nungi form meshitettsü, ta metedaktsü.

Asayamung atema taah team shia sen 7000 agitsü aser form sen 200 agi alizüktettsü. Form benoktsüba atema tatembangbuba anogoji September 7 nü asütsü.

Kasa mapang nung asayamung ayongertemisa asayamung mapang ground achaayangtsü asoshi organizing committee mesüra ASU office den tongteprateptettsü, ta metedaktsü.

2024-2026 kümsük asoshi MDFA mendenpur itemi shimet: President – N. Akok Longkumer, Vice President – Imlimatsüng, General Secretary – Supongasang, Joint Secretary (General) – Imlichiba, Joint Secretary (Tournament) – Imnayanger, Finance Secretary – Peter, Assistant Finance Secretary – Purjungshi aser Treasurer – A. Bendang Jamir.

Tang nungi MDFA maparen ajak agüja alir mendenpur den tongteprateptettsü asoshi kasa sangdong nungsa mepishia metedaktsü.

## MDFA 2024-2026 kümsük asoshi ketdangpur tasen shimogo

**Mokokchung, 29th July (TYO):** Mokokchung District Football Association (MDFA) pur mendenpur tejen tasen melentepba sentong ka 29th July, 2024 nü MDFA kimen kidang agiogo, ta MDFA sangdong ka ajanga metedaktsü.

2024-2026 kümsük asoshi MDFA mendenpur itemi shimet: President – N. Akok Longkumer, Vice President – Imlimatsüng, General Secretary – Supongasang, Joint Secretary (General) – Imlichiba, Joint Secretary (Tournament) – Imnayanger, Finance Secretary – Peter, Assistant Finance Secretary – Purjungshi aser Treasurer – A. Bendang Jamir.

## Olympics: Bhaker, Sarabjot na Bronze Medal asaya atema qualify süogo

**Chiteni/July 29, 2024**

**(Agencies):** Paris Olympics 2024 nung otsü tasen ka yangluba sülen anogo ka lir shooter Manu Bhaker, 10m Air Pistol mixed team event nung teammate Sarabjot Singh den bronze medal asaya atema qualify süogo.

Qualifying nung point 580 anguba sülen tena bronze medal asaya atema qualify süogo. Tena Korea nunger tarep Xue Li aser Wonho Lee na den Mongolbarnü asayatsü. Xue Li aser Wonho Lee nati qualifying nung point 579 ngua liasü.

Kasa asaya nung India nunger tarep Rhythm Sangwan saer Arjun Singh Cheema nata asaya, Tenati point 576 ngua jenjang 10buba nung tembangba liasü.

10 M Air Pistol Mixed event nung bronze medal atema asayatsü asoshi qualify asüba sülen Manu Bhaker ano iba asayamung nung medal tanabuba angutsü maongka lir. Lai tetsür 10m Air Pistol event nung bronze medal ka nguogo.

Kasa asaya nung Turkey team nung Sevval Ilayda Tarhan aser Yusuf Dikec nati point 582 ngua taoba mapang Olympic nung qualification

round nung otsü tasen yangluba den kasa kümogo. Tena gold medal atema Serbia nunger tarep Zorona Arunovic aser Damir Mikec na den asayatsü.

Deobarnü Manu Bhaker ya India tsürtem rongnung Olympic nung medal ka anguba mezüngbuba asayar aküm. Lai tetsür 10m air pistol asaya nung bronze medal ngua liasü. Iba medal ya India nunger asayartemi küm 12 sülen shooting asaya nung mezüngbuba medal anguba aser taküm Olympics nung mezüngbuba medal anguba liasü.

Kasa asayamung nung India tsür Ramita Jindal tetsür 10m Air Rifle shooting event nung tenetuba nung tembangba sülen tsüka liasü. Arishi küm 20 tain asayar yagi point 145.3 ngua liasü. La mapang ka nungbo pezübuba nung liasü saka iba sülen junga masayateti tamakok angu.

Iba asaya nung South Korea tsür Ban Hyojin-i point 251.8 ngua gold medal angu aser China tsür Huang Yuting-i silver aser Switzerland tsür Gogniat Audrey-i bronze medal ngua liasü.

## BENDANGLI OSANG : Tapak 7 nungi... Venezuela tir election nung Tir...

### Venezuela tir election nung Tir...

Tang sangdonga aliba yagi Venezuelan nüburtem indang vote mesüra parnoki jangraba mesur ta US-i khuret abener, ta pai ashi.

Chile Tir Gabriel Boric-ia iba election result nung amangtsü tasak ta ashi.

Uruguay tir-ia result shidakba nung kechi lidir liaka parnoki akoktsü ta ashi.

Ajisüaka Maduro tembar linük temi kanga kera pa nem tenüngsang agüja liasü.

Venezuelan nübur temi meranga aser tasü ita inyakba ajanga tim masüba madak takok nguogo, ta Cuba tiri ashi.

Caracas nung pa bhukumer tem den jembidang, iba result ya yimchiyimzung aser tesunep atema takok ta shia Maduro-i Venezuelan election system tenüng asang aser pa den tokteper atala liasü.

Opposition temi par sasa vote azüngba sangdongtsü mechli linük tesem ajungalen polling station tem nung tenük kuli ama nisung meyirijang aika yoka liasü.

Ajisüaka parnok indang tenük kuli ama yoka alir aika polling station tem nungi meyipa yok, ta Gonzalez-i aniba coalition indang odongtar kati ashi.

Venezuela nung voting ya electronic dang. Voters temi voting machine nung pai mulungba candidate nem pei vote agütsü button yuja liasü.

Electronic results ya CNE headquarters dangi yoker, saka machine yagi paper receipt ka menüngzüker aser ibaji ballot box ka nung bendener.

Polling station shia bendenba paper receipts azüngba nung kuli ama party tem yoktsü ozüng agi mela, saka aika yamaji meinyakdaktsü.

Parnok sentong yabo CNE ajanga sandongba result den puteper asü masü, aji reprangtsü atema liasü, saka parnok nem printed receipts shilem asem dang tajemba dang reprangdaktsü, ta opposition temi Deobar aonung shia liasü.

## BILEMDANGANG

"Tenarong dak temulung alemdang nungibo tenük dak temulung alem tajungba."

2023 küm tebur Asia Cup Pakistan aser Sri Lanka na nung ayongzüka asayaogo, koba 50-overs format nung asaya liasü.

2027 küm tebur Asia Cup ya ODI format nung asayatsü, koba Bangladesh-i ayongzüka

Kasa mapang nung Indian Cricket Association-i, taoba

mapang First-Class crickete asayar 26 nem khen atema senotsü teyari agütsütsü. Item cricket asayartem ya First-Class asaya 10 nungi 24 tashi asayar alirtem aser arishi küm 70 temapur asütsü, shirnok nem BCCI mesüra pei state association temi khen danga teyari magütsü lir. Taküm March 12 nü Board senden amenba mapang ICA-i iba telemtetba ya agia liasü.

ICA-isa, züngsemtem shirnok First-Class asaya 10 dak tajemba asayar lir aser BCCI medical reimbursement agi mayemjemi ali, parnok nem Group Health Insurance (Rs 2.5 lakhs) agütsütsü telemtetba agiogo.